

庶物類纂

一 菌屬

容

第百廿六函

太政官文庫			
和	特別	一	二
書	二	三	六
門	三	六	二
	第	五	十四番
	架	四	冊
	函	五	冊
	類	號	四

內閣文庫			
番號	和	32362	
冊數	465 (320)		
函號	特	54	1

九十百

共六



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







庶物類纂菌屬總目

卷之一

芝

卷之二

芝

卷之三

芝

卷之四

水芝

庶物類纂

卷之四

菌屬總目

草芝

肉芝

五色芝

妖草

卷之五

菌

卷之六

石耳

地耳

木耳

桑耳

槐耳

柳耳

柘耳

楊樗耳

松蕈

羊脂菜

榆肉

卷之七

雷蕈

麥蕈

天花蕈

藿菌

杉菌

皂角菌

鬼筆

鬼蓋

地苓

鬼矢

出隧

木肉

馬勃

牛屎菰

卷之八

重菰

鷲膏蕈

笑矣乎

泥笋

水草

稠膏草

紅菰

白草

紫草

黄草

玉草

粟殼草

四季草

合草

舵菜

靱草

卷之九

竹蓐

竹肉

雞墘

香草

葛花菜

卷之十

蘑菇草


土菌

毒菌

總計五十五種

庶物類纂菌屬卷之一目次

芝



芝


一名茵雅爾

倍名孤蕪孤划伊勢州 又名德母孤搭客武藏州

又名罵母業母搭客攝津州 又名夏脫德搭客

又名爾育噎搭客備後州 又名煞噎法噎搭

容美作 又名罵各十涯孤十下野州



芝

茵芝爾雅茵音囚。

芝一歲三華瑞草晉郭璞

瑞草名也一歲三華一名茵一名芝論衡云芝生於

土土氣和故芝草生瑞命禮曰王者仁慈則芝草生

是也宋邢昺

茵芝茵音囚芝茵屬瑞艸也宋鄭夾滌

芝曰茵其類有五色加以紫是為六芝青曰龍芝赤

曰丹芝黃曰金芝白曰玉芝黑曰玄芝紫曰木芝瑞

草也。生則有雲氣及禽獸之異。宋鄭夾滌通志

德至草木則芝草生。又曰善養老則芝草茂。又曰德

至於草木則木連理。孝經接神契

王者慈仁則芝草生。食之令人延年。孫氏瑞應圖

岱輿山有七色芝。生梁下。其色青光輝耀。謂之蒼芝。

晉王嘉拾遺名山記

說文曰芝神草也。

本草經曰赤芝一名丹芝黃芝一名金芝白芝一名

玉芝黑芝一名玄芝紫芝一名木芝

春秋運斗樞曰瑤光得陵出黑芝

續漢書曰章帝建初五年零陵獻芝草

古今注曰章帝元和二年芝生沛如人冠建初五年

芝出潁川常以六月中生一葉五歲五重春青夏紫

秋白冬黑色十月後黃氣出上尺五寸。以上唐歐陽

螢火芝良常山有螢火芝其葉似草實大如豆紫花

夜視有光食一枚心中一孔明食至七心七竅洞徹

可以夜書。唐臨淄段成式酉陽雜俎

芝天保初臨川人李嘉胤所居柱上生芝草狀如天

尊太守張景供拔柱獻焉上同

機謹按此條見于酉陽雜俎第十卷物異又載于第十九卷草篇川下有郡字狀如作形類拔作截焉作之

大曆八年廬江縣紫芝生高一丈五尺芝類至多參成芝斷而可續夜光芝一株九實實墜地如七寸鏡視如牛目茅君種於句曲山隱辰芝狀如斗以屋為節以莖為剛上同仙經言穿地六尺以鑲實一枚種之灌以黃水五合

以土堅築之三年生苗如匏刻一曰實如桃五色名鳳

腦芝食其實唾地為鳳乘升太極白符芝大雪而華

五德芝如車馬茵芝如樓凡學道三十年不倦天下

金翅鳥銜芝至羅門山食一曰石芝得地仙上同


又梁簡文延香園大同十年竹林吐一芝長八寸頭

蓋似雞頭實黑色其柄似藕柄內通幹空一曰柄皮

質皆純白根下微紅雞頭實處似竹節脫之又得脫

也自節處別生一重如結網羅四面同一曰可五六

寸圓繞周匝以罩柄上相遠不相着也其似結網衆



目輕巧可愛其柄又得脫也驗仙書與威喜芝相類

同上

夫天地萬物異於常者雖至美至麗無不為妖觀之宜先戒懼不可以為禎祥何以言之桓靈之世多鸞鳳丘墳之上生芝草神仙之物食之上可以凌倒景次可以保永年生於丘墳豈得為瑞若以孝思所致則瞽瞍之墓曾皙之墳宜生萬枝矣何則為仁孝之瑞唯甘露降於松柏縞鹿素鳥馴擾不去皆有縞素之色足表幽明之感貞元中余在甌越有隱者王遇

好黃冶之術暮年有芝草數十莖產於丹竈之前遇自以為名在金格暢然滿志逾月而遇病卒齊中書杭有別業在若耶溪忽生芝草百餘莖數月而中書去世又餘杭守盧君名從在郡時有芝草生於督郵屋梁上五綵相鮮若樓臺之狀其歲盧君為叛將栗鎗所害置遺骸於屋梁之下並耳目所驗非自傳聞由是而言則褒姒驪姬皆為國妖以禍周晉綠珠竊娘皆為家妖以災喬石不可不察也又黃河清而聖人生徵應不在於當世明矣柳谷玄石為魏室之妖

啓將來之端亦不可不察也是以宜先戒懼以消桑

穀雉雉之變耳唐李德裕窮愁志

良常山有螢火芝大如豆夜視有光得食一枚心中

一孔明食七枚七孔明可夜書華陽洞亦有五種夜

光芝包山有白芝唐李石續博物志

成都朱善存家世寶一劍每生神芝則天下晏清如

安史黃巢之亂劍皆吐黑烟屬天不差毫釐玉塵集唐馮

贊雲仙雜記

爾雅曰菌芝也

漢書曰武帝時芝生殿內房中九莖上赦詔天下作

芝房歌

東觀漢記曰明帝永平七年公卿以芝生前殿表賀

奉場上壽

又曰光和四年郡國上芝草英

續漢書建初五年零陵女子傳寧宅內生紫芝五株

長者尺四寸短者七八寸太守沈豐使功曹齎芝以

聞帝告示天下


宋書曰順帝昇明二年臨城縣生紫蓋黃裏芝芝歷

時質色不變

淮南子曰巫山之上從風縱火紫芝與蕭艾俱死
又曰稻生于水而不能生于湍瀨之間芝生于山而
不能生于盤石之上

抱朴子曰芝者有石芝有木芝有草芝有肉芝有菌
芝名有百許種也石芝者石象生于海隅山石及島
嶼之涯肉芝者狀如肉頭尾四足良似生物也附於
大石蓋在高岫嶮峻之地或却着仰着仰綴也赤者
如珊瑚白者如截肪黑者如澤漆青者如翠羽黃者

如紫金而光明洞徹皆如堅冰也晦夜去之一二百
步便望見其光矣大光十餘升小者三四升非久齋
至精及佩老子入山靈寶五符亦不能得見此光見
諸芝其光以開山却將符置其上則不得復隱弊化
去以徐徐擇王相之日設醮然後取之皆從日下與
步閉氣而往也又得石象擣之三萬六千杵服方寸
七日盡一介則得千歲千斤則萬歲亦可分人服之
玉脂芝生於有玉之山常居懸危之處玉膏流出萬
年已上則凝而成之有如鳥獸之形也色無常采率



多似山水蒼玉亦鮮明如水精得而采之以無心草
汁和之須臾成水服一升得一千歲也
又曰參成芝赤色有光和之枝葉如金石音折而續
之即復如故
又曰菌芝或生於深山之中或生於大木之下泉水
之側其狀或如宮室或如車馬或如龍席或如飛鳥
無他色亦百二十種自有圖也皆當禹步往採之刻
以骨刀陰凡出草芝又有百二十種陰乾服之則令
久與天地相畢或得千歲二千歲

漢武內傳曰仙芝上慈大大真虹芝

五行論曰章帝時零陵生芝草五本

又初稟篇曰宋草之莖如鍼紫芝之莖如荳如珠玉
者稟氣而生亦猶生也

茅君內傳曰句曲山上有神芝五種第一曰龍仙芝
似交龍之相負服之為太極仙卿第二曰參成芝赤
色有光扣其枝葉如金石之音折而續之出即如故
服之為太極大夫第三曰燕胎芝其色紫形如葵葉
象如燕欲飛狀光明洞徹服之拜為太清龍虎仙君

第四曰名夜光芝其色青實正白如李夜視其實如
月光照洞一室服一株為太清仙官第五曰玉芝色
白如玉剖食拜三官真御史也

神仙傳曰漆飛黃子張虛字子黃遼人也行玄素之
道年二百歲有少容服九英蓋芝石象而成道也
又曰予舊服赤烏散及夜光芝

仙人採芝圖曰芝生於名山食之令人乘雲能上天
觀望八極通見神明鳳凰芝草生於名山之上金玉
間文石上陰乾始食一年令人羽翼皆生壽千歲能

乘雲與鳳凰俱乾未服方寸能令人昇仙中者數萬
歲下者千歲欲求芝草入名山必於三月九月此山
開出神藥之月也勿以山浪日必以天輔時三奇會
尤嘉三奇吉門到山須六蔭之日月堂之時帶靈寶
符牽白犬抱白雉以白鹽一斗及開山符檄有大石
上執吳唐草一抱以入山山神喜必得芝也又採芝
欲得王相專和之日支干上下相生為佳此諸芝名
山多有之但凡容道士必有精志行穢德薄又不曉
入山之術雖得其圖不知其狀亦終不能得也山無



大小皆有鬼神所護其鬼神不以芝與人雖踐之而終不可見也

又曰紫珠芝其莖黃其葉赤其實如李而紫色二十四枚輒相連而垂如貫珠也

又曰白符芝高四五尺似梅常以大雪而花季冬而實

又曰朱草芝九四有三葉又有實也

又曰五德芝狀如楸莖方其葉五色各具而不雜狀如偃蓋中嘗有甘露紫光起數尺

又曰龍御芝常以仲春時生有三節一十二枚下根如人坐

又曰水芝生於名山大谷之陰治食之能入水中乘雲行通神明能使百鬼甘露芝生於石山之陰常有五綵色覆之

又曰車馬芝生於名山中此堯時七車馬化為之能得食之乘雪而行上有雲氣覆之

又曰萬羊芝生於名山中及蓬萊山

又曰地芝生於名山得食之延年益壽一舉千里走

越江海

又曰玉芝生於名山之陰黃雲覆之此戊巳中宮黃帝之精食之益壽八千

又曰黑雲芝生於名山大谷涼泉之間黑蓋赤莖味鹹若食之一年能入火不焦入水不漬

又曰人芝生於名山之陰青蓋白莖黃龍芝生於神山之中狀如黃龍雲氣芝生於名山中蓋白莖白裏赤天芝生於名山之陰千秋芝生於大谷中四方異色南赤西白北黑東青食之不老老者不死雷芝

生於名山之陰白石之上有白雲覆之黃雲芝生於名山中金石間上有黃雲覆之食之壽千歲令人通見神明乘雲為車為馬青雲芝出於名山之陰雲母芝生於名山澤泉之旁白虎芝生於名山之陰大木下狀如虎蓋色青味辛食之令人有力又東方芝生於山東之陰南方芝生於神山之陽北方芝生於北海之山大谷水中狀異而澤西方芝生於崑崙之上金石間萬年芝生於名山之陰

又曰太乙芝生於名山之陰蓋黃莖赤得而食之令

人不老與天地相保

又曰虎芝生於名山之陰狀如虎食之身輕延壽八百年餘

又曰鳴鳥芝生於名山多林之陽狀如鳥也有五色乾治食令人身輕與風俱行

又曰赤龍芝生於名山之陰源泉澤泉中狀如龍其色赤白以秋採之便有白色如龍食之使人能入水中

十洲記曰祖洲有養神丹芝似菰苗長三四尺人死

以草覆之皆活服之長生秦始皇時大疫多有死者有鳥銜此草以覆死人而登時皆活始皇聞以問北郭鬼谷先生先生曰此不死草也生瓊田中有鍾仙仙家數千萬耕田種芝草

嵩高山記曰嵩高山有人芝人芝者狀如小兒地芝者辟方一尺如黃金色覆以五色雲有神龍守之食之者可以遐年

崔豹古今注曰元和二年芝生沛如人冠狀又如章武如人抱三子狀成帝建初五年芝生潁州常以六

月中生一葉春青夏紫秋白冬黑十月復黃氣出土尺五寸

博物志曰名山生神芝不死之草上芝連馬形中芝為人形下芝為六畜形

機謹按淵鑑類函馬連作為車

唐新語曰崔希嶠以孝友稱丁內憂哀毀過禮為鄭縣丞芝艸生所居一宿而葩蓋盈尺

機謹按唐新語淵鑑類函作新唐書嶠作喬所居下有堂

杜寶大業拾遺錄曰七年六月東都永康門內會昌門東生芝艸百二十莖散在地周十步許紫莖白頭或白莖黑頭或有枝或無枝亦有三枝如右出字者地內根並無綿大相連著乾陽殿東東上關前槐樹上生芝九莖共本相扶而生中莖最長兩邊八莖相次而短有如樓閣甚潔白武貴中將段文操留守盡圖表奉

機謹按太平御覽無綿大相作如線大道

九歌曰采三秀之芳於山門三秀芝也石磊磊兮葛蔓

蔓

機謹按淵鑑類函作采三秀兮山間

繆襲神芝讚曰青龍元年五月庚辰神芝生于長平之習陽其色紫丹其質光輝高尺八寸五分散為三十六莖枝幹連屬有似珊瑚之形詔御府置而藏之具畫其形

古瑞命記曰王者慈仁則生食之者則延年

又曰神農氏之論芝云山川與四時五行陰陽晝夜之精以生五色神芝皆為聖王休祥焉自漢武孝顯

宗世號隆盛而元封永平所絕神芝方斯茂如也具其枝幹條莖本永相承乃協于天官之數非神明其數孰能如此

天台賦曰五芝含秀而紛敷

嵇康詩曰煌煌靈芝一年生秀

漢書曰王者寵近耆老養有道則芝莖生

宣帝神爵元年金芝九莖產於涵德殿銅池中銅池承雷

也以銅作池帝昭以池邊也

後漢書曰明帝時郡國上芝莖

東觀漢記曰宣帝時芝草生中黃藏府
齊書曰武帝時襄陽獲紫芝

隋書曰開皇十九年朱雀等十六門生芝草

唐書曰貞觀十七年安禮門御榻產靈芝五莖又皇
太子寢室中產素芝十四莖悉為龍鳳之狀

又曰貞觀十七年滁州言所部川源徧生芝草百僚
及雍列父老上表固請封禪

唐春秋曰貞觀十九年雍列李樹生芝英赤蓋紫光
色鮮麗司徒長孫無忌與官方岳上表請封禪不許

又曰天寶七載三月大同殿柱礎產玉芝兩莖

又曰肅宗上元二年辰延英殿御座梁上玉芝生一
莖三花御製靈芝詩以示群下

又曰上元二年九月壬午朔皇后奏含暉院生金芝
大同起居注曰九年金芝二十八莖生平水署少府
卿蕭介以聞

古今注曰漢武時甘泉殿房內產芝九莖連葉作芝
房之歌

白虎通曰帝者德至於山則芝實茂

孫整長歷曰黃帝以五芝為房名

瑞令記曰食芝延年不終與凡人同

論衡曰芝草一莖三華食之令人眉壽慶生蓋仙人

之所食

又曰紫芝者其莪如豆

繆襲神芝讚曰青龍元年神芝產于長平之晉陽許

昌典農中即蔣充奉表以聞其色丹紫其質光輝上

別為三幹分為九枝散為三十六莖委緩連屬似珊

瑚之狀考圖按譜蓋美乎前代矣

以上太平御覽

參成芝斷而可續

出酉陽雜俎太平廣記

夜光芝一株九實實墜地如七寸鏡夜視如牛目茅

君種於句曲山

出酉陽雜俎同上

芝瑞草一歲三葉故楚辭謂之三秀無根而生故其

字從之說文之字曰出也象草枝莖益大有所之一

者地也芝生於土故宜從焉言芝者多異說唯論衡

云芝生於土土氣和故芝草生最為簡要古以為香

草大夫之摯芝蘭又曰與善人居如入芝蘭之室久

而不聞其香則與之化矣今芝不香未知何故芝乃

多種故方術家有六芝其五芝備五色五味分生五
嶽惟紫芝最多昔四老人避秦入商洛山采芝食之
歌曰曄曄紫芝可以療饑是也古稱上藥養命中藥
養性下藥養病養命則五石之鍊形六芝之延年養
性則合歡蠲忿萱草忘憂治病則大黃除實當歸止
痛芝之品其畧有六至葛稚川則云芝有石芝有木
芝有草芝有肉芝有菌芝各百許種則芝類非特六
矣孝經援神契曰威喜辟兵威喜亦木芝之一也松
栢脂入地千歲化茯苓茯苓萬歲上生小木如蓮華

名曰木威喜芝夜視有光持之甚滑燒之不然帶之
辟兵又建木實生都廣皮如纓蛇實如鸞鳥者亦謂
之芝則無所不備然大抵紫芝最多爾陶隱居獨怪
今俗所用紫芝乃是朽木株上所生狀如木樗者然
古人言芝蓋只如此內則人君燕食所加庶羞有芝
栢蔘根之屬庾蔚云無華葉而生者曰芝栢盧氏云
芝木芝也王肅云無華而實者名栢皆芝屬芝栢春
夏生於木可用為菹其有白者不堪食賀氏亦云芝
木樗獨別謂栢為軟棗則多一物不合鄭氏三十一

物之數然則樛音軟樛類總名芝矣莊子朝菌司馬亦

云大芝也天陰生糞上見日則死崔云糞上芝朝生

暮死蘭文云歟生之芝也是菌皆得芝名宋羅願爾雅翼

漢宣時嘉穀玄稷降于郡國金芝九莖產於函德殿

銅池中金芝色如金銅池承雷也白孔六帖

陰陽相搏不根而生芝菌燥濕相育不母而生蝻蟻

是故世人體陰陽而根之數燥濕而母之無不濟者

小人猶是知陶鍊五行火之道也流行無窮水之道

也八封環轉天地之道也神物乃生變化之道也是

以君子體物而知身體身而知道夫大人之道幽且

微則不知其孰是孰非宋譚景昇化書說郭

仙都有芝圃悉種靈芝或如車騎或如華蓋或如樓

閣或如飛鳥五色戴君字廣異記

政和初間治極之際地不愛寶所在奏芝草者動三

二萬本蘄黃間至有一鋪二十五里遍野而出汝海

諸郡縣山石皆變瑪瑙動千百塊而致諸輦下伊陽

太和山崩奏至上與魯公皆有慙色及復上奏山崩

者出水晶也以木匣貯之進匣可五十斤而多至數

十百匣來上又長沙益陽縣山溪流出生金重十餘
 斤後又出一塊至重四十九斤他多稱是宋蔡條鐵圍山叢談
 山雅多靈芝時產地上多碧色山人每採得之弗貴
 也亦有蕨有苓吳郡楊循吉居山雜志
 道家者流謂蟾蜍萬歲背生芝艸出為世之嘉祥政
 和初黃冠用事符瑞翔集李諲以待制守河南有民
 以為獻者諲即以上進祐陵大喜布告天下百官稱
 賀于廷上表云九天曆澤溥及含靈萬歲蟾蜍聿生
 神草本實二物名各一芝或善辟兵或能延壽乃合

為於一體允特異於百祥命以金盆儲水養之殿中
 浸積數日漆絮敗潰鴈迹盡露上怒黜諲為單州團
 練副使謝表云芥獻以為美野人之愛則深輿衆而
 可欺子產之志焉在諲至之孫也輿衆疑作魚烹宋王明清揮麈餘錄

博物志云上芝為車馬故樂府云芝為車謝氏詩源
 郡渚江川發源同會落亭石上有芝艸下有紫磨金
王孚安城記
 本朝四帝亦有吉符真宗即來和天尊出楊礪之夢

紀載諸國史祥符崇尚道教建立宮觀專尚祥瑞王
欽若獻芝草八千一百三十九本丁謂獻芝草三萬
七千餘本獨孫奭不然其事宋趙潛養
病漫筆

格物總論芝瑞草名菌蠢凡數莖連葉有花土氣和
則生有五色或者以黃者為喜黑者為惡諒不容無

辨也合璧
事類

政和中宗室士頓所居鈍軒忽生白芝數本於梁棟
上因易名芝軒賓客詠歌以為和氣次年士頓死又
一年賜所居入四聖觀族衆散徙蓋不祥也壬寅春

太傅王黼賜第有白芝生於正寢附臥榻後屏風而
出又一本在廳事照壁上隔六年有戮身之禍宋江
萬里

宣政
雜錄

芝菌皆氣苗也靈華三秀稱瑞尚矣朝菌晦朔莊生
訕之至若儔其食品古則未聞自商山茹芝而五臺
天花亦甲群彙仙居界台枯叢山峻拔仙靈所宮爰
產異菌林居巖棲者左右芼之固藜莧之至腴蓴葵
之上瑞比或以羞二公登玉食自有此山即有此菌
未有此遇也遇不遇無預菌事繫欲盡菌性而究其

用第其品作菌譜淳祐乙巳秋九月山人陳仁玉序

宋陳仁玉菌譜。說郭

紫芝味甘温主耳聾利關節保神益精氣堅筋骨好

顏色久服輕身不老延年一名木芝生高夏山谷六

芝皆無毒六月八月採嘉祐補註本草

陶隱居云按郡縣無高夏名恐是山名爾此六芝皆

仙草之類俗所稀見族種甚多形色壞異並載芝草

圖中今所用紫芝此是朽樹木株上生狀如木糯

音軟名為紫芝蓋止療痔而不宜以合諸補丸藥也

凡得芝草便正爾食之無餘節度故皆不云服法也
同上

庶物類纂卷一



